

西域考古錄卷第三

海月堂雜著

海鹽俞浩 湛持

涼州府

管縣五 武威 鎮番 永昌 古浪 平番

管廳一 莊浪

禹貢雍州西境秦時月氏所居至漢爲匈奴及烏孫所破乃西踰蔥嶺過大宛擊大夏而臣之匈奴使休屠王及渾邪王居其地漢使驃騎將軍霍去病擊破之得休屠王祭天金人單于怒其爲漢所殺虜數萬人欲召誅

西域考古錄

卷三

一

之昆邪休屠恐謀降漢漢使驃騎將軍迎之昆邪王殺休屠王并將其衆降漢凡四萬餘人遂空其地始築令居以西初置酒泉張掖武威分置敦煌金城郡謂之河西五郡改州之雍州爲涼州五郡皆屬焉地勢西北邪出在南山之間隔絕西羌西域於時號爲斷匈奴右臂漢末涼州多事以五郡隔遠自來別立州乃以五郡爲雍州稱復禹貢之九州曹魏仍分置涼州領河西五郡晉惠帝以張軌爲涼州刺史持節護羌校尉會永嘉亂離因保據涼州是爲前涼至張天錫爲苻堅所滅後十

餘年呂光據爲後涼至呂隆爲姚興所滅及沮渠蒙遜起兵據張掖是爲北涼至沮渠茂虔爲後魏所滅及太武改州鎮置四軍戍孝文太和中復爲涼州領武威等十郡二十縣周置總管府大業初爲武威郡廢總管隋末陷於李軌唐武德二年討平之改爲涼州置西河節度使備羌胡統赤水軍

元和郡縣志在涼州城內管兵三萬三千馬一萬三千匹本赤

烏鎮有青赤泉名焉軍之大者莫如赤水幅員五千一百八十里前拒吐蕃北臨突厥又有大斗軍涼州西二百里本是赤水軍守捉開元十六年改爲大斗軍因大斗拔谷爲名也又建康軍證聖元年尚書王孝傑開鎮周廻以甘肅兩州中間濶遠頻被賊鈔遂於甘州西二百里置此軍東去理所七百餘里也後倣此寧寇軍甘

西域考古錄

卷三

二

州東北十餘里天寶二載置又玉門軍肅州西二百餘里武德中楊恭仁置東去理所一千一百餘里又墨離軍瓜州西北一千里東去理所一千四百餘里又新泉軍會州西北二百里大足初郭元振置西去理所四百里也又豆盧軍沙州城內以當匈奴要路山川廻濶神龍初置豆盧軍以鎮之去理所一千七百餘里又白亭軍涼州西北三百里張掖守捉東去理所五百里交城守捉涼州西二百里

天寶元年改爲武威軍乾元元年復爲涼州廣德二年陷於西蕃李吉甫云州城本匈奴所築漢置爲縣城不方有頭尾兩翅名爲鳥城南北七里東南三里地有龍形亦名卧龍城大中初吐蕃國亂於是唐鳳翔涇原靈武邠寧山南諸節度奏復諸州河隴高年千餘人入見

闕下天子爲御延喜樓賜冠帶爭解辨易服五年沙州防禦使張義潮奉瓜沙伊肅甘等十一州地圖以獻以沙州爲歸義軍以義潮爲節度使咸通三年義潮以涼州來歸後爲回鶻所據後唐長興中復來屬仍置歸義軍於此顯德以後入於西蕃尋爲夏人所奪元升爲西涼府俄仍爲州屬永昌路明以爲涼州衛
本朝因之雍正初改衛爲府置武威縣爲府治升鎮番衛永昌衛古浪所爲縣以莊浪衛爲平番縣并設莊浪一廳以彈壓番回焉

西域考古錄

卷三

三

涼州隴右之神皋天府微獨五郡之鎡基三秦之鎖鑰而已竇融言河西殷富帶河爲固張掖屬國精兵萬騎一旦緩急杜絕河津足以自守此遺種處也其後張士彥祖其智以求涼州遂霸西戎長安謠曰秦川中血沒腕惟有涼州倚柱觀當是時祕書監繆世徵少府摯虞夜觀星象曰天下方亂避難之所惟涼州耳張士彥殆其人乎魏太武已滅沮渠氏勅太子晃曰姑臧城東西二門外湧泉合於城北其大如河自餘溝渠流入漠中其閒乃無燥地唐之全盛西河節度隔斷吐蕃突厥統

赤水六斗建康寧寇玉門墨離豆盧新泉八軍張掖交
城白亭三守捉屯涼肅瓜沙會五州之境治涼都管兵
七萬三千人馬萬八千八百匹歐陽公謂唐盛時河西
隴右三十三州涼州最大土沃物繁而人富樂班固稱
涼州之畜爲天下饒故唐置八監於涼牧馬至三十萬
匹之多自漢唐以來涼州之富庶可知乃宋人棄之等
於玉斧以外之郡縣至使西夏得之藉其物力抗衡中
國者三百年然而夏人棄武威而都興州故元人取河
西而不能救卒以滅亡蓋涼爲五郡適中之地便於策
西域考古錄 卷三

四

應是亦論古者所當知也

湛持居士曰涼州南界平番北倚亦不刺山西控剛

丹東趣中衛左蘭靖而右甘肅面祁連而背沙漠高居

誨使于闐記自靈州過黃河三十里始涉沙入党項
界曰細腰沙神樹沙至三公沙宿月氏都督牙帳自
此沙行四百餘里至黑堡沙又廣窾登沙嶺沙嶺
党項牙也渡白亭海乃至涼州蓋自靈州西出涼州
白亭海爲必經之道白亭海在涼州東北按涼州西
南有五澗谷水流入海子水色潔白故名又名小澗
端海

他郡皆臂指涼州則河西之心腹也典午之初涼州
爲樹機能所據晉武每懷西顧之憂臨朝而歎曰孰

能爲我討此賊以通涼州於是馬隆請行卒平河隴
涼之自守不綦重歟當故明時嘗患大松山之寇洎
築新邊而寇警始稀

國初諸部祝囊與麥力幹最爲雄桀麥力幹本住西寧
之北川口其後漸次據大通河蔓延至於黃城兒自
順治八年洪水開市而諸部遂入牧大草灘蓋自永
昌而西至於石峽口或地僻或墻卑或閘門或水權
虜皆於此出入雖有永昌高古之犄角不能闌其出
入絕其畋牧也

康熙八年始設副將一員於永昌游擊一員於高古城守備一員於新城

西域考古錄

卷三

以防禦東北二面是年冬復於大馬營馬營墩各設守備一員以扼其西巡視甘肅給事
中張登選疏曰自洪水開市以來黃城兒大草灘數
百里中牧馬如雲羶帳鱗次蓋由水泉堡一帶墻垣
卑缺虜之在賀蘭山大草灘者來往如入無人之境
遂使酸茨河白石崖昌寧湖千餘里之沃壤爲寇甌
脫外險盡失此甘肅邊患所以相尋而無已時也今
宜選擇良將多備火器乘其無備直擣大黃山巢穴
一舉而廓清之然後因舊邊之險分地修繕以固我
圉查涼南以臧南祁連爲障皆高山深谷不利騎乘

虜之大舉必在黃城蓋其地勢平行長驅馳突於此最易謂宜大建城堡增設將領分屯戍兵於白石崖扁都口西水關諸口令數百里間刁斗相聞烽火相望虜又焉得入乎此皆卑之無甚高論猶憚而不爲其何以禦心腹之患卽不然而塞外早寒草枯木落之際火攻非下策也奈何不早爲之所而徒委之永昌高古哉議者謾謂草盡則走今大草灘之草豈可盡乎況豺狼之性不可測哉其言頗盡當日利害其規制尤多可采惟劾張勇癱瘓宜罷斥未免意氣從

西域考古錄

卷三

六

事言之過當後張勇復請增設甘肅西寧駐防兵四千五百餘名及十三年滇黔之變蒙古諸部乘隙內犯雖以達賴刺麻之言而止而其盤踞黃城兒及大草灘則如故也

陝督莫洛上言張勇前討逆回爲流矢所中右足不良於行然於軍務猶堪經理況其久鎮西邊蒙番讐服正宜資其威名緩定巖疆於是

旨慰

留考有明於河西偏重張掖不審涼之形勢可以四面策應故也當丁國棟之變亂者四起雖旋踵卽平亦後事之鑒也今涼州旣改置大郡而諸部亦就我戎索縻我好爵承爲不侵不畔之臣然安不忘危

高宗皇帝之諭曰夫兵可百年不用不可一日無備兵法有曰無恃其不來恃我有以備之然則有邊疆之責者其可不鑒前代之失而爲今日戶牖綢繆之計哉明萬歷中得松山之地說者謂自索橋而上直接鎮番增築保障廣布耕屯則賀蘭以西皆爲內境而黃河之險敵不敢與我共將莊涼蘭靖以迄固原之間皆可安枕而卧矣此眞上策惜當時未有能用者

天梯山州南八十里山路崎嶇旋折而上故以名之十六國春秋晉太興初涼州童謠曰蛇利砲蛇利礮公頭墜地而不覺時張寔自恃險遠頗驕京兆人劉宏客居

西域考古錄

卷三

七

天梯第五山以左道惑衆寔左右皆事之帳下闔涉牙門趙邛宏鄉人也宏謂之曰天與我神璽應王涼州涉邛信之陰與寔左右謀殺寔而奉宏寔弟茂知之密使牙門史初殺宏涉邛不知也以其夜弑寔寔被弑茂誅涉邛及黨與數百人赦其境內北史魏主燾將討沮渠牧犍命公卿議之李順之徒皆曰姑臧城南天梯山上冬有積雪深一丈至春夏消液下流成川引以灌溉彼聞軍至決此渠口水不通流則致渴乏去城百里之內赤地無草不任久停車馬崔浩曰漢書地理志稱涼州

之畜爲天下饒若無水草何以畜牧又漢人爲居終不於無水草之地築城郭立郡縣也又雪之消液裁能斂塵何得通渠引漕灌溉數百萬頃乎李順等復曰吾曹目見何可共辯浩曰汝曹受人金錢欲爲之辭謂我目不見便可欺也於是遂討平之多饒水草如浩所言

臧南山州南百二十里上多積雪亦名雪山按一統志姑臧界有第五山清泉茂林懸厓石室自昔爲隱士所居考第五山卽天梯山劉宏以左道惑衆之處元和郡縣志天梯山在縣南二十五里臧南山在縣南二百三

西域考古錄 卷三

十里與一統志不合方輿紀要亦承一統志二者未知孰是俟再考

按臧南在府南八十里

青巖山下有湫甚廣人觸之立有風雹暴至如代州五臺龍池之驗耳見寰宇記

石驢山州西南志稱在姑臧西南長寧川西北載記張寔討曹祛於晉昌自姑臧西踰石驢又禿髮儁檀爲沮渠蒙遜所敗其將折掘其鎮據石驢以畔是也

西山州西二十里中有蓮花峯亭亭高聳

紀畧南把截營北至涼州三十里和連之北南山之南西山之間中有大路所謂夾道也迤西隘口有六曰黑溝曰龍灘曰石牌溝

曰藏經腦曰牛心山曰西溝坪迤南隘口有七日天池溝口曰白水口曰冰溝榨曰石觜榨曰倘哥兒曰札力麻阿博曰牛心官濠十三隘口皆近堡而遼州城者堡西南五十里曰西把截營堡在西山口山谷可通黃城其路寬衍爲阿蘭口口內有田田南有寺名雲莊寺在堡西南二十里皆刺麻居住寺南曰黑溝口水磨

口藏經口

洪池嶺在州東南晉太元初梁熙敗涼掌據於洪池嶺隆安二年羌酋梁飢攻西平禿髮烏孤欲救之左司馬趙振曰呂氏尙強洪池以北未可冀也嶺南五郡庶幾可取烏孤擊飢大敗之遂取嶺南五郡嶺南謂洪池嶺以南也五郡廣武西平樂都湟河澆河也唐志涼州有西域考古錄

卷三

九

洪池府又姑臧有二嶺南曰洪池西曰剛丹嶺後涼楊穎曰今疆字曰蹙崎嶇二嶺之間是也自剛丹嶺以西謂之嶺西張掖酒泉建康晉昌皆嶺西郡也

可落岷州東南隋開皇二年突厥寇蘭州涼州總管賀樓子幹敗之於可落岷是也通鑑注云山無草木曰岷文車澤在州東三十里前秦苻堅遣將軍苟萇毛盛伐涼造機械衝車於此因名

武興鹽池眉黛鹽池並在縣界百姓咸取給焉

按一統志衛南

三十里有三壩白鹽池衛東四十里有小池東五十里有新中沙白鹽池衛西二百二十里有鴛鴦白鹽

池又有小監
池俱產鹽

瀦野澤州東北三百里一名都野澤亦曰休屠澤又名涼澤禹貢原隰底績至於瀦野是也漢志注休屠澤在武威縣東北古文以爲瀦埜其上承武始澤晉元興初禿髮儁檀攻後涼至昌松徙涼澤段冢民五百戶而還武始亦曰武始大澤晉永和十年涼張祚之亂宋琨起兵武始大澤以攻姑臧卽此

靈泉池十六國春秋太興中張茂築靈鈞臺於端門內廣輪八十餘堵基高九仞又鑿靈泉池張立觀五年有

西域考古錄

卷三

十

大鳥青白色舒翼二丈餘集於靈泉池後涼呂光太安三年宴羣寮於靈泉池是也

五澗谷水經注五澗水出姑臧城東西北流注馬城河晉義熙二年姚興以姑臧授禿髮儁檀儁檀軍於五澗遂入姑臧是也又有五澗在洪池嶺南沮渠鄯善伐西秦敗於五澗又遣沮渠成都耀兵嶺南遂屯五澗爲西秦將出連虔所敗者當在今西寧界中也

武威縣

附府

武威本漢縣在今縣西北二漢皆屬武威郡

晉省入姑臧王隱晉書涼州城有龍形一名卧龍城南

北七里東西二里本匈奴蓋臧城後人語訛爲姑臧焉

按臧藏古文通用

張氏有國時復增築四城廂各千步并舊爲

五城張駿又於城南築五殿四面各依方色四時遞居之其中又起謙光殿宮門南曰端門東曰青角門中城之門曰廣夏門北曰洪範南曰涼風東曰青陽又東城亦曰講武城北城亦曰玄武國隆安初郭麐作亂以二苑之衆焚洪範門不克及呂纂作亂踰北城攻廣夏門其弟宏率東苑之衆斧洪範門又禿髮儁檀襲姑臧呂氏憑城自固儁檀置酒朱明門耀兵青陽門掠八千餘

西域考古錄

卷三

十一

戶而去後姚興以姑臧授儁檀入自涼風門敦煌雜錄姑臧城內有沮渠蒙遜所造七級木浮屠因號曰七級城又檀道鸞築土爲城若盤龍狀四隅有頭尾兩翅一曰鳥城也新唐書武威大城之中小城有七舊城匈奴所築張氏增築其四餘二城又後人所築也其東西廂城亦曰東西苑城至德二載河西兵馬使蓋庭倫與武威九姓商胡安門物等作亂殺節度使周泌七城破據其五度支判官崔稱等以二城堅守討平之宋至道二年丁惟清知西涼府上言涼州周廻二千里東界源州

南界雪山吐谷渾西界甘州党項北界吐蕃州城周四十五里是涼州之壯麗宋初尚未大改也今府城因明衛城之舊周十一里不過四分之一耳東北三里有姑臧舊城遺址未知是否

奄公山縣南又有倘哥兒山東山乾溝山

赤彌干川在縣西五十里與縣東南百五十里之黃羊川俱分流灌漑民田利益甚溥攷赤彌干川寰宇記謂之吐彌干川鮮卑語謂髓爲吐彌干言此川土地肥美如髓也蓋向爲羌胡游牧之地

西域考古錄

卷三

三

紅泉縣東五十里水色微紅其東北紅水砦亦以泉得名

三岔溝縣東南百里明土達滿四居三岔溝土人謂之滿家營四本名俊明初分徙降鹵於此成化中據石城作亂討平之卽此

胡阮縣西八十里載記晉隆安五年禿髮傉檀攻後涼耀兵姑臧壁胡阮卽此義熙六年沮渠蒙遜圍姑臧傉檀遣司隸校尉敬歸及子佗爲質於蒙遜以請和歸至胡阮逃還舊志唐置甘泉關於胡阮是也

楊塢縣西五十里記載太元十一年前涼張大豫攻呂光進逼姑臧保據楊塢是也

七里澗在縣西七里

劉林臺縣治西北五里本名竇融臺相傳爲融所築明初百戶劉林與寇戰死其下因易今名又縣治北有前涼張駿所築靈鈞臺其遺址尚存髣彿焉

鎮番縣府北百九十里本漢武威郡地後漢因之晉仍屬武威隋唐爲涼州地宋沒於西夏元置小河灘城明初改置鎮番衛

西域考古錄

卷三

三

本朝因之雍正中升衛爲縣仍隸涼州府

今之縣記畧以爲休屠縣地涼州府志以爲唐白亭軍以諸書圖志考之俱非是按元和郡縣志姑臧縣下休屠縣城在縣北六十里漢縣也今縣在府北微東百九十里又云白亭軍涼州西北三百里白亭軍本因白亭海爲名今海在鎮番東北百八十里是海尚在軍北七十里也漢志休屠縣注莽曰晏然都尉治熊水障北部都尉治休屠城姑臧縣注南山谷水所出北至武威入海行七百九十里今五澗谷水自

涼州西北流經麗澤而東入白亭海麗澤卽休屠澤也武威縣注休屠澤在東北古文以爲豬壑澤今休屠澤在鎮番縣東北蒼松縣注南山松陝水所出北至搆次入海莽曰射楚是漢搆次亦在涼州之北也張氏置武興郡以處流人魏書地形志謂郡領晏然休屠馬城三縣晏然卽休屠別名王莽所改而馬人寰宇記謂祖厲城一名馬城蓋武威郡前漢領縣十後漢領縣十四則有鷓陰祖厲顯美左騎千人官三國志黃初二年涼州盧水胡反遣張既討之賊逆拒

西域考古錄

卷三

十四

既於鷓陰口

通鑑注鷓陰河口也李賢曰涼州始城縣東南有鷓陰縣故城既揚聲

軍從鷓陰乃於金城渡河潛繇且次間道出武威賊以爲神引還顯美既擊平之且次卽搆次之省文一統志以莊浪衛北之三眼井堡爲濟由搆次之間道三眼井爲靖遠縣分界靖遠雜有祖厲縣之地以此推之則今之鎮番縣并有武威休屠搆次祖厲四五縣之地而非休屠一縣可概若白亭軍本統於涼州區區一城尤不可以盡鎮番之境白亭海今土人謂之小瀾端海子以爲卽蘇武牧羝之北海彼中白北

聲混有此附會蘇之牧羊處通典在居延海者近是
按縣地斗出磧中實爲西陲之要地顧氏謂其南蔽
姑臧西援張掖翼帶河右控臨絕塞自古爲戎馬之
場不其信與

蘇武山縣東三十里傳爲牧羝之處附會不足考

來伏山縣西八十里山勢脊高首俛近縣漸卑因名

黑山縣南六十里因山築堡地皆沙磧鎮番斗出黑山
其甬道也明制騎步百五十名今惟戍卒二十名

小河縣南十五里水自五澗谷來

西域考古錄

卷三

五

黑河縣西四里卽張掖河自甘東北流逕縣境

永昌縣府西北百六十里本漢武威郡地蓋卽漢之番

禾縣地故城在今縣西二十里屬張掖郡晉改屬武威

後涼呂光置番禾郡或云沮渠蒙遜所置魏太武平涼

罷郡置鎮西魏曰番禾郡

突厥假道以襲吐谷渾卽此

隋改爲縣唐

因之天寶初改天寶縣

按舊唐書三載以縣境天寶山出醴泉改縣曰天寶今縣治卽

天寶縣地考後魏地形志有番禾郡領彰縣及焉支縣蓋後魏曾于縣置張掖郡尋廢復置番禾郡耳隋開皇併力乾安寧廣城彰焉支五縣入番禾而改後周番禾鎮爲縣據此後魏已復爲郡至後周改鎮隋又改爲縣焉又考太平寰宇記云前涼張軌時有五色鳥來集因築鸞鳥城以美之後魏武帝改爲神鳥

城蓋以漢鸞鳥縣附會之也後又云唐神龍二年於漢鸞鳥故城置嘉麟縣此其前後矛盾當由雜錄書傳失於去留故也按元和郡縣志嘉麟縣本漢宣威縣治前涼張軌於此置武興郡呂光改置嘉麟縣後廢萬歲通天元年重置又曰張天錫於漢鸞鳥縣故城置武興縣後廢唐武德三年又於涼州城內置神烏縣與姑臧縣分治姑臧治東神烏治西貞觀元年廢總章元年復置涼州劇郡宜兩縣分治焉紀要謂漢故城在永昌衛西南者近是大抵今之永昌并有前代六七縣惟鸞鳥故地當與今武威縣分有之也後書建光初護羌校尉馬賢自金城令居追叛羌於鸞鳥永康初段熲擊破西羌於鸞鳥此鸞鳥之僅見史文者按嘉麟縣在州西北七十里鸞鳥故縣今府西北三十里有鸞鳥口又有鸞鳥山故城當在其地矣
宋初爲西涼府地時爲西番所據羈屬於宋景德中沒於西夏

元初仍屬西涼府至元十五年置永昌路明初改置永

西域考古錄 卷三

昌衛

本朝因之雍正初升衛爲縣屬涼州府

按永昌南面祁連祁連山亦曰雲山北倚金川卽金昌城

在縣北西趣大黃山在縣西東近昌寧湖在縣東內

則大草灘外則黃城兒外惟寒占口可入內則隨地

可通大草灘至永昌大路則由水泉水磨川故西之

新城新城堡在縣南之四壩四壩堡縣西南之北古

城北古城在縣猶有禦人於國門之外者況乎荒涼

如酸茨河者乎又況野馬川白石厓之遼遠三角城

脫歡山之斗絕者乎夫東備則西寡南備則北寡無所不備則無所不寡明自中葉以來議邊防者此數語足以概之永昌襟山帶水戰守有資苟得其人縱橫四出勝算在我豈僅防禦而已哉

金山縣北二里麗水出焉唐有麗水府置於昌松縣城中太平寰宇記烏逆水今名麗水源出昌松縣南金山下引漢書地理志逆水出允吾縣云云又按之水經注上言湟水東逕允街矣下言逆水出允吾縣之參街谷東南流逕街亭城南考允吾縣漢縣在湟水南何得越

西域考古錄

卷三

七

允街令居諸縣而有逆水源考之寰宇記所引亦同思之不得其故後讀前書地志而知其誤蓋允吾允街地既相近王莽改縣並曰脩遠漢志遂錯入允吾之下後人據書證書輒以誤改漢代未有廣武縣今平番西南迤北以至縣西北皆當爲漢時允街縣地參街參字疑亦允街允字之誤寰宇記又稱允街故城在昌松縣東南城臨麗水一名麗水城按其城地勢極險卽沮渠蒙遜增築以爲防戍之所迄今尚堅完如新興地廣記亦言在昌松東南此卽街亭故城而二書皆以爲允街故

城也十六國春秋隆安初沮渠蒙遜攻後涼臨松郡拔之屯據金山又義熙十三年沮渠蒙遜遣其將襲烏啼部大破之烏啼部蓋在金山後舊唐書地理志山本屬剛丹魏氏春秋及五代志亦俱言剛丹縣有金山蓋盤亘于番和剛丹之間也

青松山縣南八十里一名大黃山又名瑞獸山一山而連跨數邑也考大黃山東西百里南北百二十餘里連山之支幹也山產大黃剖之有錦紋力亞於雅州所出又多松柏望之蔚然故有大黃青松之名山之四麓卽

西域考古錄

卷三

六

大草灘水草茂美冠於河西順治康熙閒北部據山爲巢穴縱牧於大草灘雖以張勇之威名不能驅而遠之也

白嶺山在縣西南山頂冬夏積雪望之皚如皓如寒氣異於諸處深冬人跡旣絕鳥飛不下又有鸞鳥山白嶺諸山與涼州南山連亘不絕土人亦曰雪山

天寶山在縣西天寶三載三月山出醴泉并石花民取以爲麪貧者賴之乃改番和縣爲天寶以彰瑞貺是也西嶺縣西七十五里一名剛丹嶺唐書地理志姑臧有

二嶺南曰洪池西曰剛丹楊穎所謂崎嶇二嶺間也嶺有定羌廟祀關壯繆廟後土屋兩楹則戍卒棲宿地其地前逼大黃山右跨大草灘後倚邊垣絕無民居蓋地苦寒六月衣裘又沙磧不可耕也康熙六年青海諸部欲擁衆越邊而北甘涼兩郡兵交阻之相持一月兵拏不解一日我兵方對陣詢詰譯者往來之時偶甘卒發一礮轟若雷擊虜馬驚而奔潰我兵乘勢逐之虜出不意崩若巨牆自相蹂躪死者甚衆世所傳定羌廟奇捷也蓋虜謂我不敢敗盟懈而無備致於自潰非我能勝

西域考古錄

卷三

九

之也

水磨川縣西南二十里一名雲川源出鸞鳥山之平羌腦兒都山水勢洶激可轉水磨因名川有堡水踰堡北出蹇占而入昌寧湖東爲永昌孔道北入山谷十五里爲毛卜刺堡堡在山谷北距長城長城在北五里有關門南環北山永昌北門之鎖鑰焉關門而北直趣昌寧湖可達鎮番堡當南北之極衝循牆而東南攀援崖壁六十里而至永昌矣

昌寧湖在縣北一百里湖境廣袤幾及百里水甘冽清

湛水中魚大小畢見春深秋淺匝岸皆小洲楊柳蒹葭
鳧鷖鷗鷺如趙北燕南明萬曆初年朔部青把都入據
其地與大松山青海諸部互爲聲援時時入寇甘涼二
十六年巡撫田樂統諸郡擊敗之青把都狼狽遁出塞
永昌之人始獲息肩且有芻蕘雉兔之利焉康熙二十
年及二十三年麥力幹兩擁其衆屯詹詹口欲越邊而
北謂甘寧湖水甘涼宜於養病云

脫歡山在縣北四百里爲諸部游牧地以其羈屬於我
故雖往來無定部也其山在平沙大漠中多喬松風起

西域考古錄

卷三

三

若濤聲秋冬雪壓摧折聲聞數十里中國人非盛夏避
暑罕有至者其東百里有浚稽山直鎮番縣之北漢之
趙破奴敗績於此李陵亦遇匈奴與此所謂古戰場也
今山麓西有茂草有水曰米哈王速華言肉汁水美如
肉汁焉或謂地多野獸故云豈陵谷變遷古今有不同
耶又有魚海子在浚稽東南海周廻數十里不及居延
遠甚然地名最著多見於唐人詩中海岸有山山麓有
草明定西伯蔣貴出魚海偵虜追躡之及於石城遂大
破之卽此今虜之游牧部落無定也

蹇占口渠縣東南三十里渠水源出雪山而流合水磨川分爲九渠土人藉以溉田蓋南山連絡不斷間有平坡卽爲山口惟蹇占忽然中斷由口而南逶迤曲折皆民居小堡自口至黃城至酸茨河非邊堡亦非內地然爲涼之患者悉由之其入內地舍蹇占口無他徑竇故也

溫宿川縣西卽恩宿川晉太元初秦將苟萇等伐涼至河西遣別將馬暉等西至恩宿川邀張天錫走路期會姑臧暉等行澤中值水失期處也

西域考古錄

卷三

三

煖泉縣西南三十五里有二穴湧出四時嘗煖亦溫泉也泉水東北流入水磨川

酸茨河在縣南百五十里湧出祁連流入大通河蓋河之小派冰融則泛溢百十里故甘涼間皆有酸茨河之名惟此河可耕可牧本爲番族游牧地自青海爲北部所據番族遠徙此地遂爲虜占踞矣其地在大草灘之南九十里由濫泥打班至涼州二百八十里由討來川嶺至莊浪三百五十里南至青海八百里至西寧四百餘里

古浪縣府東南百二十里本漢武威郡地唐爲涼州地
元爲古浪巡檢司屬永昌路明正統初置古浪守禦千
戶所按元和郡縣志昌松縣西北至州百二十里本漢
蒼松縣也與今古浪縣方位道里皆合疑今之縣
治卽唐昌
松縣治矣

皇

朝仍明之舊亦設古浪所雍正初升爲縣屬涼州府縣
境廣袤四五百里東距扒沙西連武威南界湟中北抵
煖泉考其地卽唐之和戎城也郭元振所築史稱拓境
千五百里而後涼州乃可守者也按其地勢西南不二
里卽南山城東北十步爲舊邊祁連在西五十里石碇

西域考古錄

卷三

三

天險扼以雄關城堅而人勇足以自守夫涼州隘狹自
和戎築而境始開拓明姚兵備於古浪西三十里築西
川堡所引川渠溉田萬畝夫廣野膏腴利於樹藝兵番
交錯得良吏以撫循之則區區百里豈徒爲涼之孔道
而已哉

東西山山在縣左右爲番族察貢族小宛冲族温古六
族年錯族住牧

冰溝縣東十里

西黃羊川縣西四十里開渠引水自東而北灌溉縣境

其地有張義堡土壤寬平山環而隘明制於其北百里之靖邊驛其西百里之上古堡三方犄角屯兵守戍慮亦深矣崇禎十六年遊擊唐虞際剿臆巴叛番平其禍亂卽此

古浪河在縣南流遶關城所之得名因此

平番縣府南三百三十里

莊浪廳府東南三百七十里本漢武威郡地隋屬涼州唐亦爲涼州地宋沒於西夏於此置洪州元改置莊浪縣屬永昌路明置衛屬涼州我

西域考古錄 卷三

三

朝因之設莊浪所雍正初年改衛爲平番縣仍設莊浪一廳以彈壓番回焉

今按衛境紀畧以爲漢之允吾縣前涼之廣武郡考元和郡縣志廣武本漢枝陽縣則衛境乃漢枝陽縣地自五涼以至隋唐并省沿革混淆多詳考其地蓋有允街令居等縣地又不獨枝陽已也允街令居枝陽允吾皆金城郡屬顧氏輒謂武威所屬疎矣縣境東距黃河

黃河在東二百二十里南泛大通大通河在南西界烏稍

嶺在西一百二十里北倚新邊新邊明萬曆中築在北二百里山多而土瘠兵

民而外土司十萬人熟番三千戶扼大河而阻賀蘭實
河西之肘腋亦甘涼之門戶也至若車騎絡繹羌回交
錯則又諸部之都會九遠之走集也凡甘肅湟中安西
之趣河東者舍莊
浪無
他途

湛持居士曰漢武開四郡以來後代有事河西率由
湟中故蘭莊爲散地有明考道理之徑直通四郡自
蘭州而渡黃河故莊浪重而衛置焉其時官必備俊
又卒必選驍銳漢民居中土兵處外又外而熟番生
番鱗次櫛比其四境之外古城在南射斗在西南臨

西域考古錄

卷三

三

河水北倚新邊東通蘭靖西趣河湟延袤千里星使
之所往來羌回之所走集豈非河右一都會哉成化
以後朔部之內侵者數歲一至未嘗敢於稅駕也乃
隆慶以來俺荅受封可敦效順我之互市但欲羈縻
之塞外耳奈何貪皮馬之細而忘久遠之圖往事勿
懲私與交易夫大松山垣籞未設之先特內地一甌
脫耳至是而數百里之地遂爲賓兎等酋王庭矣扼
吭拊背久假不歸及其東市西剽道路以目河東西
震驚岌岌乎殆哉或謂正德嘉靖閒亦不刺之據青

海火洛赤之在河西其勢不數倍於賓兎等乎不知
青海在湟河西南莊浪在湟河東北故彼時莊浪獨
安者右臂尚斷也及其據松山則南北通而右臂續
此招彼引大肆猖狂豈惟莊浪危於纍卵卽河西五
郡亦旦夕莫保苟非籌邊之老臣專意一剿雖欲築
邊以固我圉何可得也蓋莊浪爲河隴咽喉苟阻大
通之津當鎮羌之道而塞二嶺之險則湟涼甘肅求
一綫之通而不可得矣後之爲河隴謀久安計者烏
可不早籌之乎

五邊考萬歷初朔部賓兎等盤踞大
松山時出侵掠內地日削僅存一綫

西域考古錄

卷三

三

二十六年巡撫田樂謀之督臣李沐專主剿乃檄副
將達雲督率各鎮官兵爲進討計先克昌寧湖之青
把都次破青海之永邵卜其時阿赤兎及宰桑等在
大松山乃令甘肅鎮兵由泗水堡入莊浪之兵由黃
羊川入河東之兵由蘭州靖虜以入虜亦悉甲以待
於是各路深入又伏精騎於岔口互相牽制而甘肅
官兵直搗扒沙莊浪之兵直搗魚溝大敗虜阿赤兎
與賓兎僅以一身遁去於是松山悉平克復其地建
堡築城屯戍相望乃割蘆塘等處屬固原紅水河三
眼井等處屬臨洮阿壩嶺大靖城土門兒等處屬甘
肅自靖遠衛界黃河索橋起至土門山共長四百里
而蘭靖莊浪千四百里之衝邊始安第蘆塘三眼井
等處土疎易圯時費脩葺若按初年舊地自鎮番直
接寧夏中衛通樹長邊則外鑰尤壯矣蓋棄地猶六
七百

大松山縣東百二十里山多老松又有小松山在縣東

北百二十里議邊防者咸以二山控帶西陲尤爲縣境要地

蒲萄山縣西北百三十里與雪山相距大通河所經也石佛山縣東北三十里上鑄大小佛像相傳唐時物又縣東一里有東山

南山在縣南又名天山又曰雪山濶千餘里其高稱是連亘數郡界美水豐草尤宜畜牧故蔥嶺以東無高於此山者亦出赤鹿足短而形大如牛肉重千斤按漢志蒼松縣註南山松陝水所出蓋南山起自羌中連延西

西域考古錄

卷三

三

平金城之界東出秦雍至於終南皆曰南山是也

分水嶺縣西百五十里嶺嶠有泉分流南爲莊浪河北爲古浪河其北又有平嶺嘉靖中總兵姜奭禦敵於分水嶺敗之逐北至平嶺虜大集奭乃伏兵於嶺南岔口佯退以誘之因合擊大破之卽此

洪源谷縣西唐聖歷二年吐蕃將論贊婆來降使其衆守洪源谷又久視元年吐蕃將麴莽布支寇涼州昌松縣入洪源谷隴右諸軍大使唐休璟擊敗之按唐貞觀十七年有瑞石產昌松縣界洪池谷疑卽洪源谷也

卓子山在縣西北山頂平如几席故以爲名自山麓至山腰蜿蜒十餘里山上先密上下二族住牧有先密寺永樂中勅建者規制極壯麗飲食起居猶番也特不畜妻子衣黃衣耳先密番僧甚衆分爲上下二族所謂上先密下先密皆寺之族類也崇禎十六年諸番作亂三月十一日副總兵魯允昌從鎮羌堡進剿先密等番誅之幾無噍類寺在鎮羌堡東南四十里今之住牧皆由西寧分來者

平山在縣西南叢山之中忽見平陽草豐水甘孳牧爲西域考古錄卷三
最番族蘇東奔住牧於此

三七

黑山嶺在平山南十五里番族爾草曰住牧於此
烏稍嶺府東南百八十里地皆沙礫按記畧云渡河而西北爲烏稍嶺在安遠堡東五里通志以爲在堡西者誤矣嶺不甚高東西長二十餘里地荒涼黑番每於此狙掠行路以爲畏途自東嶺至安遠三十里又有鐵沙嶺香鑪山野狐嶺石門峽駱駝峴散岔山光草嶺人頭峴白石頭紅壑峴泉子嶺牛心山討來川嶺皆爲莊浪南面之要塞爲羌虜出入之逕前明俱戍以重兵今雖

奉裁然有地方之責者要不能以域外視之也

大通河縣西南百二十里逕莊浪廳西南縣城西有大
通橋跨其上又逕碾伯縣東南入湟水紀要謂大通河
北入於沙漠不
知何據而云

莊浪河出縣北東南流逕莊浪廳西南入河疑卽漢志
之逆水也

野狐川在縣境岔口西沙金溝後尤為縣邊遠地記略
云沙

金溝在岔口西北二百七十里自岔口西北三里為
土魯干又十五里為石門峽又十五里為青土坡又
十七里為野蔥溝又二十里為濫泥溝又二十里為
駱駝山又三十里為散岔山又十五里為光草嶺又

西域考古錄

卷三

三

二十里為思加羊又二十五里為新河壩又三十里
為捏耳朶又四十里為沙金溝又十五里為野狐川
他喇都川縣東南通遠堡南三十五里川地廣衍土瘠
墾不可耕番族寫爾素住牧於此時出剽畧遠近患之
其北二十里為排路溝溝生芨芨草河東西取以編席
為利頗廣有明於此設兵十三名馬十三疋今裁去番
族蟬樂住牧於此

裴家川莊浪分界處河西平原之地卽謂之川不關水
之有無也其地有堡為戍守要地土瘠沙淤水利不通
遠引大靖之香溝水以資人畜之用不能溉及田畝也

又東四十里曰阿壩營其地猶之不毛也惟堡迤南有水泉二處疏通水槽可引入堡內水空在西十里處每從此入犯其邊外有水泉更北有黑石山水草甘茂爲所必爭之地其地爲莊浪要地不以不毛而輕棄之也

按記畧云阿壩北二十五里爲雙井堡南四十里爲蘆塘屬靖虜衛西四十里爲裴家川蘆裴往來循新邊行百九十里由雙井百三十里所謂捷徑也東四十里爲下紅水自平松山之後始於下紅水築堡焉其南七十里卽大松山其西北邊外二十里爲黑石山東北百六十里爲營盤水俗訛爲銀盤者也由營盤五十里至黃沙坡又二十里小風口又十里大風口又三十里拜等口又三十里壘石口又三十里黃峽口又五十里賀蘭山按今自寧夏之中衛縣永安墩口經長流營盤兩水頭直達紅水或三眼井成坦途矣驛站旣設商旅通行

西域考古錄

卷三

三九

蘆塘一路惟私商避稅者三眼井在紅水東四十里地近新邊最爲荒遠其南由狼溝口而至沙井堡路極崎嶇通蘭州之孔道也考莊浪北邊自裴家川之圍莊起東至三眼井界靖遠縣之蘆塘營止皆長城凡四堡百九十里自三眼井至蘭州凡三百八十里路僻山荒行者憚之顧氏謗以川爲水妄謂川水東北流綿亘於靖遠衛及寧夏中衛之境不其誕乎

按莊浪平番境內有莊浪河出分水嶺之南其灌溉田畝官私溝渠多不勝書如青寺河渠瓦窰渠特其著者大抵皆引大通河之水耳

顯美故城在府西北漢縣屬張掖郡後漢改屬武威晉因之載記隆安五年秃髮儁檀攻後涼昌松太守孟禕

于顯美是也後魏廢

武興故城州西北載記晉永寧中張軌以秦雍流人置武興郡魏收志武興郡領晏然馬城休屠三縣水經注所謂姑臧城西有馬城東城卽漢休屠縣是矣故城當在府東北爲涼州之邊故二漢互屬二郡也隆安三年姚興遣姚碩德攻呂隆於姑臧以降將姜紀爲武威太守屯據晏然唐武德八年睦伽佗寇武興其時武興久廢當卽故城也

金呂城卽金昌城其故城在今永昌縣北二十里所謂西域考古錄

卷三

三

金川也馬隆討樹機能以八陣圖作偏箱車且戰且行奇謀開發至武威之金川依金呂山築城因山以名城城成夷不敢犯其山有鳥形似雀見人卽以觜啄石自圖其形以示人

高古城卽後魏之焉支縣屬番禾郡隋省入番禾縣故城在今永昌縣東九十里明爲戍守要地天啟中堡設守備焉順治中奉裁僅戍兵三十名及北部入據大草灘復於堡設游擊焉其地南距雪山北近水泉東接永昌西趣阿博自堡而西爲大草灘又五十里而至大阿

博則甘涼之分界也

永寧故城在今永昌縣之西百二十里後魏置永寧縣
為西郡治西魏廢西郡改為弱水縣後周復曰永寧隋
省入番和縣明於故城築堡屯兵與西之寧遠堡東之
蔡旗堡相犄角逼近邊垣環以卑岡風沙不揚易於保
聚以三堡介在昌寧湖之間故防禦尤嚴堡北去長城
二十里邊外
水頭有梧桐樹地方距堡北二百四十里堡兵更番偵
探以取先往之藏木簽為信明制設兵五百五十名有
把總一員記畧云寧遠堡北出邊外七十里為沙嘴九
十里至鎮番衛昌寧湖距堡北四十里近湖有破古城
蔡旗堡東去永寧三十里其南二十里為三岔堡三堡
河水自五澗谷北流至東北匯沙河又北流至三岔堡

西域考古錄 卷三

三

合為一繞蔡旗堡而北流至鎮番之西南折而東北流
入白亭海蔡旗堡當涼州鎮番之交為南北應援要衝
明制兵二百二十名馬百五十匹守備一員統馬三岔
堡為涼州孔道州西北四十里有三岔驛記要謂蔡旗
堡至三岔堡六十
十里者誤矣

蒼松故城元和郡縣志昌松縣西北至州百二十里蒼
松故城在縣東北十里則當在府東南百一十里十六
國春秋呂光麟嘉四年以郭鑿言識改為昌松縣兼立
東張掖郡後魏改置昌松郡後周廢郡仍為昌松縣隋
改縣為永平後以重名復曰昌松方輿記要以永
平為永世似誤太平
寰宇記昌松州東南二百二十里證之諸書非是晉載

記張天錫擊李儼自將屯蒼松是也舊書武德三年薛
舉遣將掌仲興與李軌戰於昌松爲所破沒今考其方
位道里似卽今古浪縣地魏書地形志漠口縣屬昌松
郡謂之昌松漠口並爲險要後涼姚弼襲禿髮檀於
姑臧自金城濟河進至漠口卽此縣蓋在磧中疑爲張
氏所置也

允街故城當在今莊浪廳西南漢神爵二年置

允音後鉛

漢明帝初滇吾羌寇隴西敗太守劉盱於允街又延熹
四年勒姐羌圍允街段熲擊破之是也街亭故城當在

西域考古錄

卷三

三

今平番縣西北通典允街城臨麗水亦名麗水城街亭
城沮渠蒙遜所築地勢險隘按周地圖云允街城地極
險阻沮渠蒙遜增築以爲防守之所此卽通典所本而
分屬允街街亭太平寰宇記亦引其語而合之今考沮
渠所脩乃允街故城杜佑言城臨麗水者街亭故城也
逆水樂史謂卽麗水記畧非之而不能確指在何地據
水經注推之今之莊浪河出平番縣北東南流繞莊浪
廳西而南當卽逆水然入河不入湟或古今有變遷也

餘詳前金山下

街亭城顧氏謂後涼所築考諸志乘又無明文按前漢天水郡第二縣曰街泉

西域考古錄 卷三

三

後漢永平十七年更天水為漢陽郡第四縣畧陽有街泉亭下注街水故縣省以此知街亭城卽是前漢街泉故城矣其名亦見於陳壽志中又隆安初禿髮烏孤自廣武取後涼金城呂光遣將竇苻拒之戰於街亭大敗通鑑注金城北有街亭城胡氏蓋亦未考之訛也又按水經注湟水又東逕允吾縣北為鄭伯津與澗水合澗水出令居縣西北塞外南流逕其縣故城西又南逕永登亭西歷黑石谷南流注鄭伯津令居縣故城董氏謂在平番縣西北土司境內永登亭卽永登縣故城漢晉時廢縣卽為亭猶宋元以廢縣為堡古謂亭障今謂堡寨其實一也黑石谷當卽今莊浪下紅水新邊外二十里之黑石山記畧所謂邊外有大水泉蓋指可可川之水卽所謂瀾水矣記畧謂可可川在涼州東南卽大通河者誤大通河卽浩靈水逕莊浪廳西南由碾伯縣東南入湟水記畧謂入黃河者亦誤也今可可川出古浪西南東南流逕平番縣西又南逕莊浪廳東南入湟可可口在今府東南百八十里安遠驛南二十里為熟番所住收

安遠驛為涼莊分界地驛之夫役皆番之男婦也其地四境皆山土瘠多雹止產磨菰蔬穀皆不植也長最城故城當在府南蘭州府河北十六國春秋晉永和三年石虎將麻秋等濟河擊張重華遂城長最涼將謝艾軍神烏敗後趙兵進擊麻秋秋遁歸金城隆安初後涼呂光擊乞伏乾歸軍於長最遣其子纂攻金城拔之是也按寰宇記謂太武平涼改鸞鳥為神鳥不知前於此張氏時已有神鳥之名其非後魏所改明甚涼州府志以永昌為鸞鳥蒼松嘉麟三縣地夫永昌在府西北惟嘉麟差近然去永昌猶九十里蒼松卽古浪縣在

府東南百二十里鸞鳥縣雖不能確指何地今府西北三十里有鸞鳥口又有鸞鳥山在其西南漢縣以此名者則故城亦必相近永昌之非鸞鳥蒼松明甚若唐之神鳥又與姑臧同城寰宇記謂置於鸞鳥故城者亦誤也

振武故城在今平番縣西十六國春秋晉咸和二年劉胤敗韓璞於沃干嶺追奔濟河至令居進據振武河西大駭永和二年麻秋等攻涼金城金城降趙涼將謝艾引兵出振武擊破之是也通鑑注振武姑臧城南廣武

西域考古錄

卷三

三

西北亦在今平番縣南近莊浪廳治也

黃城兒因山爲名或曰王城之訛也在府西南二百三十里連山疊嶂之中地勢忽然開朗城置於兩山間險固異常元永昌王潤端藩封地蒙古謂之幹耳朶城宮殿塋墓迄今遺址猶存在前代謂卽苻藿戍焉南北朝時其名最著十六國春秋隆安初後涼三河太守沮渠翹弟以呂光猜忌謂其兄羅仇曰苻勒兵西平出苻藿奮臂一呼涼州不足定也義熙七年禿髮儁檀自樂都伐北涼五道俱進至番和苻藿掠五千餘戶而還九年沮渠蒙遜自姑臧西如苻藿遣兵襲卑和等部是也地土饒沃於屯牧爲宜西北至永昌一百二十里涼莊有事此其肘腋

地也有明宿重兵於此故永古之間得安枕也當吳遊
蠢動時虜乘隙闌入於此駐牧久假不歸當事累議驅
除不果虜遂視爲帶礪矣今雖羈屬於我甘心臣僕豈
可無意外之防哉

三角城本有明之來遠城也在府南二百四十里西去
甘州白石崖三百里東去莊浪之鎮羌堡三百七十里
皆山也東南去西寧北川營三百一十里則阻於大通
河也其城三面環山因山爲垣形勢險峻有若天然故
曰三角永樂中以處降番俾爲我之藩籬及青海爲北

西域考古錄

卷三

三五

部所踞四出侵剽番衆移徙惟置空城順治初遂爲麥
力幹所據其地平川曠莽延袤幾二百里土最饒沃以
耕以牧號稱樂土順治八年叛回漏網者四百餘人麥
力幹使居此城專事屯牧回人善於開渠故自甲午乙
未以後麥力幹一部最爲雄張及滇楚多事諸部益以
生心西陲所以日棘也有遠馭之畧者亦宜深戒於覆
轍也

考涼南邊堡凡十二

曰安遠堡有驛在府南百八十里涼莊之分界也又西三十里

曰黑松堡又西三十里曰古浪所卽今縣治也又西四十里曰張義堡又西北百二十里曰南把截營又

西南五十里曰西把截營又西五十里曰炭山堡又西南六十里曰蹇占口又南九十里曰黃城峴又南八十里曰酸茨河又西六十里曰新城堡又西四十里曰高古城自安遠至此五百二十里黃城酸茨河向爲塞外

涼北邊堡凡十二

曰定羌廟在府西二百五十五里

又東二十五里曰水泉堡又東五十里曰永昌衛今爲縣治也又東北八十里曰寧遠堡又東南一百里曰永寧堡又東三十里爲蔡旗堡又北六十里曰黑山堡又北六十里曰鎮番衛卽今縣治也又南百六十里曰高溝堡又東九十里曰泗水堡又東三十里曰土門堡又東南八十里曰大靖營自定羌廟至此共八百八十里其鎮番之民堡不與也

又涼州北邊近疆自西北接甘州界起以至東北接

西域考古錄

卷三

三

寧夏界止曰昌寧湖曰脫歡山浚稽山曰魚海白亭海曰扒里扒沙亦名大沙子山西去鎮番縣可四百里東去寧夏中衛可三百里明伏羌伯毛忠卽其地人也控扼涼夏屏藩莊靖爲州要地明制抽調寧夏兵於此更番按伏及其久也以爲孤遠而撤之邊益縮而夷益近矣至北境外夷之壤地所接有隘口七十三處然夷欲入寇不在鎮番卽在水泉堡蓋寇鎮番以拊涼之背寇水泉以通南北之途涼之可慮無踰於水泉堡也其他卽有侵擾不過偶然耳其初意

固不在此也已若涼南境外合七十隘口率皆鳥道
懸厓其大舉必在黃城蓋以其寬衍四達隨在可長
驅也

西域考古錄

卷三

七

